

2014 Alegria y Fantasia

carnaval



Academy Brass pa dos unico presentacion

ORANJESTAD -- Tabata dos (2) siman pasa cu a sali e yamando na tur skina specialmente den medio nan di comunicacion y red social nan pa logra reuni tur e integrante cu tabata forma parti di "Academy Brass". Esaki a tuma luga na Hamaca Café unda di un forma sorprendente especialmente e cantidad di integrante nan cu a reuni pa bisa SI n e dos (2) presentacion nan pa asina conmemora e celebracion di Carnaval 60. Tabata sigur un anochi masha ameno di por tin 98% di e integrante nan bek cu a haci un parentesis den nan bida diario pa asina asisti n e yamando y haya sa kico t e plan pa celebra carnaval e aña aki. Nos a compronde for di John Hessen y Didi Dirksz, cu nan ta sumamente contento cu e reaccion n'e yamada y ya caba tin dos (2) ensayo tras di lomba pa asina hinca den un repertorio sorprendente riba cada un di e dos (2) presentacion nan diferente cu nan tin.

John Hessen a señala: "Nos lo muestra un biaha mas e di con? Nos a gana e titulo di 'Brass Band of The Year' pa 10 aña consecutivo, e di con? "Academy Brass" ta produci 2 produccion exitoso riba CD,



e di con? "Academy Brass" a yega Corsou, St. Maarten y pa dos ocasion e 'Europe Tour' cu a inclui Hulanda, Alemania y Belgica presentando na e festival nan di musica mas renombra di e pais nan menciona... No solo esey, "Academy Brass" lo muestra kico en realidad ta Asambeho di berdad pasobra esey ta y lo keda e base di loke ta di nos como Arubiano" Didi Dirksz tambe a señala: "Nos ta sumamente satisfecho con e dos (2) ensayo nan a bay, e importante di tur cos ta cu e entusiasmo ta haltísimo y tur e integrante nan ta feliz di ta un biaha mas cu otro pa comparti y rebiba e aña nan di gloria pa dos (2)

presentacion".

Den e mesun rosea, John y Didi tambe a señala cu nan a cuminsa haya solicitud pa mas presentacion, pero esaki ta un tiki complica ya cu hopi integrante ta forma parti di diferente banda y lo tin cu descarta esaki. E evento cu tur hende lo por wak "Academy Brass" den su forma original lo ta den Hebbe Hebbe cu ta dia 20 Februari 2014, y no pa habri e evento manera otro brass band nan a yega di haci. E biaha aki Manuel Da Silva (Organisando di Hebbe Hebbe) a deposita su confianza totalmente den "Academy Brass" pa asina pone nan mey mey di e programa di e



anochi aki. Pa John y Didi esaki ta un honor di ta memey di e programa asina tur hende por disfruta di "Academy Brass" cu ta conta cu snare drum, tenor drum, quadruple, bass drum, un bon y solido seccion di trompet y trombone... masha orkesta y yen "Academy Brass" lo zona n e presentacion menciona.

Mester remarca cu unda "Academy Brass" presenta semper nan tabata un atraccion riba nan mes y pa conmemora 60 aña di carnaval di Aruba esaki no ta un excepcion. Riba e combinacion di potret nos ta ilustra parti di e ensayo nan cu ta tras di lomba,

c'un entusiasmo mega halto y manera John Hessen a señala ultimo biaha cu nos a combersa cune: "Mi ta afirma cu Academy Brass lo pone un cello di calidad, respet y honor na nos ritmo di Asambeho den cada un di e presentacion nan programa. "Academy Brass" ta keda Academy, aña nan por pasa pero nos a keda tatua den curason di nos integrantes, den e publico carnavalesco y den historia di nos carnaval. esey ta bisa tur cos, esey ta nos fortaleza". "Academy Brass" ta reuni despues di 5 aña pa duna catedra na e ritmo original di Asambeho, harmonisacion di melodia, coreografia y mucho mas. □